

STATÜTS

da la società Chastè da Cultura

Nom / lù da domicil

1. La società Chastè da Cultura es üna società tenor il sen da l'art. 60 seg. CC cun domicil a Fuldera / Val Müstair (in seguit nomnà società).

Mera

2. La mera da la società da promoziun es il sustegn finanziel dal Chastè da Cultura, per pussibilitar a quist'instituziun da realisar seis böts culturals. (concept dal Chastè da Cultura, vair supplement). Cul excepziun da pisserar per raps nu s'ingascha la società da promoziun per ningüna aignas activitats e nun ha il böt da far acquisti. Ella praista sia lavur sün basa pel ütil public.

Commembranza

3. La società da promoziun consista our da commembers e commembers fautors.
4. Commembers singuls pajan üna contribuziun da fr. 30.-/ €20.-, famiglias fr. 50.-/ €30.-, commembers fautors ün import a partir da fr. 200.-/ €125.-. Els vegnan orientats successivmaing dals arrandschamaints actuals ed han il dret sün entradas redottas.
5. La commemoranza cumainza cur cha la decleranza in scrit es effectuada ed in pajond la quota annuala.
6. Ün'eventuala demischiun succeda tras üna demischiun in scrit per la fin da l'on ed in resguardond il termin da desditta da trais mais. L'import curraint da commemoranza resta debit.
7. L'oblig finanziel succeda unicamaing tras l'import da las commemoranzas e la facultà da la società. Ün'oblig finanziel persunal dals commembers es exclus.
8. Imports da commemoranza e da fautors, sco eir otras contribuziuns vegnan dattas inavant periodicamaing al Chastè da Cultura.

Organisaziun

9. Id existan ils seguaints organs da società:
 - la radunanza da la società
 - la suprastanza
 - il presidi
 - il post da revisiun

L'on da gestiun correspuonda a l'on da chalender

10. La radunanza
La radunanza da la società vain bannida üna jada l'on da la suprastanza e quai in scrit. La bannida cuntegna las tractandas e sto gnir tramissa almain 15 dis avant la radunanza. Ella decida da far bun il rapport da l'on, il quint da l'on ed il rapport dal post da revisiun, sco eir da dar dis-charg a la suprastanza. La radunanza elegia la suprastanza ed il post da revisiun.

A la radunanza annuala orienteschan ils manaders dal Chastè da Cultura sur da las activitats passadas e planisadas.

11. La suprastanza
La suprastanza as cumpuona da 3 - 5 commembers. Ella as constituescha sves e tscherna ün president o üna presidenta, ün(a) actuar(a) ed ün(a) chaschier(a). Ils suprastants vegnan tschernüts pella dürada da 2 ons, lur reelecziun es adüna pussibla. Ils manaders dal Chastè da Cultura piglian part a las radunanzas da la suprastanza ed orienteschan la suprastanza sur da lur activitats curraintas. La lezcha principala da la suprastanza es da tscherchar commembers e munaida pel menaschi dal Chastè da Cultura.

12. Il president / la presidenta
Il president /la presidenta maina ils affars curraints da la società e fa almain duos jadas l'on üna radunanza culs suprastants. El/ella rapreschainta la società vers inoura. La fin da l'on da gestiun dà el/ella gio ün rapport in scrit a man da la radunanza generala.

13. Il post da revisiun
Il post da revisiun examinescha il quint da l'on da la società e preschainta quel in fuorma d'ün rapport ed üna dumonda da dis-charg.
Il post da revisiun vain confermà o tschernü mincha duos ons danövmaing.

14. Scholta da la società
In cas cha la società vain scholta esa da surdar la facultà efectiva restanta ad ün'istituziun culturala cun similis böts.

Fuldera, ils

Società per sustegner il Chastè da Cultura

Il president:

l'actura:

.....
Aldo Rodigari

.....
Anita Gaudenz